

當陽縣志卷末

雜錄

叢談

明洪武十三年邑既徙復舊治其萬城甃石移修荆  
州藩府毀至北門忽有毒蜂擁出紛紛螫人懼而止  
或謂此乃高氏舊城其上有關廟爲神靈所憑云今  
北門尚存

永樂辛卯元旦治北沮水之東忽有三虎同行共逐  
之不知所往是科則李讓向志俛孝儒同舉於鄉人

當陽縣志

卷末

雜錄

叢談

五十四

以爲三虎之應

大通寺塔前相傳有謀侵其地者以火焚張說碑忽  
雷雨滅火懼而止

隆慶丁卯方開學有一兔自櫺星門躍出共異之學  
諭吳瑞云此科中式必卯生者及邑庠聶武中式果  
辛卯生

玉泉山有獸狀如鹿上下陵谷如飛每鳴於澗谷則  
雨鳴於岡阜則有高軒過驗之不爽

萬曆乙卯五月玉泉柴紫菴老桂忽花大小各一枝



寺僧以報邑令令曰雙桂聯芳此科中式必粟生矣  
及秋粟聯芳果獲雋明年公安袁中道亦登春榜此  
菴乃袁氏所建也 以上俱舊志

國朝

榴花總白鶴山側有井相傳井中有異物一夜山僧  
夢物告之曰浹旬我當行汝等可遠避旦以語村人  
夢亦同有道人教以犬血瀝之覆以鐵釜石磨須臾  
有赤水湧出如血近水草色皆赭至今雖大旱井不  
涸號曰龍井

當陽縣志

卷末

雜錄 叢談

五十五

乾隆丙子歲邑合溶民人向先時家喪一婢既殤二  
日有聞其壙內作號咷聲者以告其家亟掘塚視之  
女已微起且云板壁甚緊喊不出得青衣媪助我耳  
負歸形容如舊 以上續舊志

乾隆五十九年有妖降於西門外順城街狀如人惟  
不見其首聲如老者言禍福多中繼令居人分日供  
茶稍褻則誦之甚至火其居其人謝罪火立止衆苦  
之居數月衆以鼓吹送之河干見其渡沮水而去未  
幾有丙寅城陷之變

當陽縣志卷末終



補遺

方輿古蹟

唐吳道子畫觀音像石刻在玉泉寺

三星院石塔

省志云在當陽舊堰

其石柱刻云唐貞元十七年

葬智壽和尚舍利塔

方輿祥異

道光十

年

五月陰雨浹旬玉泉山生大菌徑尺餘

厚五寸許高只有五寸面白如銀裏赤色味甘而

芳

當陽縣志

卷末

補遺

五十六

建置隄防

永興菴隄在河溶上游漳水之西距沮水里許每決

則水匯於沮下流淤塞舟楫不通道光十六年邑

令王朝枏倡率修復水患稍弭二十九年邑令董

率士民加修遂稱鞏固云

職官循良傳

周真

人

乾隆中任邑令勤慎愛民有古循吏風

初河溶苦徭役真悉爲蠲除溶人思其德常尸祝

之今木主猶存



職官忠烈傳

夏永謙河溶巡檢事詳本傳有墓在河溶鞏阜門外

選舉

張定謨恩賜舉人

年代未詳

盧秉銓

林時純

羅開泌

以上俱嘉慶貢生

人物孝友

張士孔鞏河人事母以孝聞母有疾割股愈之後母

臥病三年孔奉侍湯藥無一息廢離咸豐十年詳

請

旌表

當陽縣志

卷末

補遺

五七

人物忠義

李成文邑兵書嘉慶元年教匪陷城邑令黃仁遇害

文倚縣署頭門指賊大罵賊支解之至死罵不絕

口

列女節婦

王德耀妻張氏年二十五夫故長子二歲次子遺腹

生翁姑皆年過八旬氏孝慈兼盡備歷艱苦守節

五十三年同治四年

旌表時年七十九

父生陳鳳鳴妻王氏年二十九夫故氏奉侍孀姑愛



敬不衰督其子精一刻苦力學早遊覺序守節三十五年同治四年旌表現年六十五何先鳴妻黃氏年二十夫故時姑患腫病子在襁褓氏仰事俯育極盡其道守節四十年同治四年詳請旌表現年六十

藝文

義勇武安王墓祠記碑二在關陵內一為明成化十六年湖廣提刑按察司副使薛綱撰刑部主事吉水周巽書一為成化十八年湖廣布政司右參

當陽縣志

卷末

補遺

五

議泰和楊琚朝用撰文并篆

重修關王廟記在關陵明宏治十年縣學教諭孟

鏞撰知縣劉和書主簿度篆額

唐賢晉題玉泉詩八篇序見藝文志中

張九齡祠紫蓋山途經玉泉寺載藝文下五言排律

又冬中至玉泉寺屬窮冬冰閉崖谷無色及仲

春行縣復往馬故作此詩

靈境信幽絕芳時重暄妍再來及茲勝一遇非無緣萬木柔可結千花敷欲然松間鳴好鳥竹下流清泉



石壁開精舍金光照法筵真空本自寂假有聊相宣  
復此灰心者仍追巢頂禪簡書雖有畏身世亦俱捐

孟浩然陪張丞相祠紫蓋山途經玉泉寺見藝文下

五言排律

常建留題玉泉

清晨入古寺初日照高林竹路通幽處禪房花木深  
山光悅鳥性潭影空人心萬籟此都寂但餘鐘磬音

白居易留題玉泉寺

雲樹玉泉寺肩輿半日程更無人作伴惟共酒同行

當陽縣志

卷末

補遺

五九

新葉千萬影殘鷺三兩聲閒遊意未足春盡有餘清

周朴留題玉泉寺

寺還名玉泉澄水亦遭賢物尚猶如此人爭合偶然

溪流雲斷外山峻鳥飛前初日長廊下高僧正坐禪

南嶽僧齊已題玉泉大師智者影堂見藝文下

又已丑歲十一月二十六日因禮大師真迹獲

覽張丞相孟襄陽二公聯唱題板遂有降歎

而作是詩見藝文下 僧齊已

通志論曰碑在當陽玉泉寺中乃皇慶元年本寺



任持廣鑄重立者碑載唐張九齡以下詩八篇然  
常建白居易二首尚屬假借也其旁刻云萬歷元  
年御史中丞西蜀張佳允新安任參軍夢榛同觀

湖北金石  
存佚考

謁雲長祠

四絕石刻  
在墓門右

明邑

張

松

湛源

一瓣心香酒一尊臨風何處覓忠魂停杯話到當年  
事長嘯山空氣欲吞

古栢青葱帶曉烟祠堂秋老一荒天維持漢鼎名猶  
在花自清香水自潺

當陽縣志

卷末

六

松杉鬱鬱護雲邱斷續江雲去復留滿地午陰清唳  
鶴一聲驚醒夢中愁

蓋世英雄莫在茲穹碑讀罷令人思卻憐四蜀三吳  
日惆悵西風酒一卮